

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/TUŽITELJSTVO
TRAVNIK

Broj: T06 0 KT 0035684 24

Travnik, 12.11.2024.godine

OPĆINSKOM SUDU U TRAVNIKU

- Sudiji za prethodno saslušanje -

Na osnovu odredbe člana 45. stav 2. tačka „i“ člana 241 stav 1 Zakona o krivičnom postupku Federacije Bosne i Hercegovine, p o d i ž e m

OPTUŽNICU

Protiv:

A. P.

Zbog postojanja osnovane sumnje da je:

Dana 11.05.2024.godine oko 22,20 sati u mjestu Kaćuni, općina Busovača, u ugostiteljskom objektu „Luna“ u vlasništvu oštećenog S. K., nasiljem prema drugom i drskim ponašanjem ugrozio građanski mir oštećenog B. J. i oštetio tuđu stvar, tako što je ušao u taj ugostiteljski objekat i prišao stolu za kojim su sjedili oštećeni B. J. i F. Č. i odmah se obratio oštećenom riječima „ustašo šta ćeš ti ovdje, marš iz kafića“ psujući mu majku i fizički nasrnuo na oštećenog udarajući ga šakama obje ruke u predjelu glave i lica, svjestan da nasiljem prema oštećenom i drskim ponašanjem ugrožava njegov građanski mir, što je i htio, nakon čega je oštećeni od siline udaraca sa stolice pao na pod i dok je ležao na podu nastavio ga je udarati šakama u predjelu lica i nogama po tijelu za koje vrijeme je oštećenom prišao F. Č. da ga odbrani u daljem fizičkom nasrtaju na oštećenog, te ga odvojio od oštećenog i pomogao mu da ustane sa poda i izveo ga iz objekta, pa kada je vidio da je oštećeni izveden iz objekta, izišao je iz objekta i iz vozila sa kojim se dovezao do tog objekta zajedno sa bratom P.A., uzeo je ručnu auto dizalicu crne boje i vratio se u taj objekat i pomoću fizičke snage i auto dizalice djelovao na ulazna pvc vrata tog objekta dimenzija 100x200cm u nekoliko navrata u predjelu gornjeg staklenog dijela na kojima se razbilo i sasulo staklo, svjestan da će udarcima teškog metalnog predmeta i fizičke snage oštetiti vrata i razbiti staklo, što je i htio, a zatim je u objektu počeo bacati stolove na kojima su se nalazile staklene čaše i flaše i drvene stolice, svjestan da bacanjem stolova i stolica na pod će iste oštetiti, što je i htio, na koji način je slomio i učinio neupotrebljivim dvije stolice i jedan stol, nakon čega je napustio objekat i došao u ljetnu baštu tog ugostiteljskog objekta, lociranu ispred objekta, gdje je nastavio bacati stolove sa staklenom površinom i stolice napravljene od ratana, svjestan da bacanjem stolova i stolica na pod će razbiti staklo na stolovima i oštetiti ih, što je i htio, na koji način je oštetito četiri stola i četiri stolice i učinio ih neupotrebljivim, a zatim je iz ljetne bašte otišao do ugostiteljskog objekta „My space“ koji je lociran sa lijeve strane ugostiteljskog objekta „Luna“ u

vlasništvu oštećenog H. A., a koji je iznajmljen S. M., te prišao ulaznim pvc vratima dimenzija 90x200cm i bez ikakvog povoda snažno udario nogom u zatvorena vrata koja su od siline udarca se izvadila iz štoka, na koji način je razvalio na vratima automatski mehanizam za otvaranje i zatvaranje vrata i na taj način ih nasilno otvorio, svjestan da će snažnim udarcima nogom u zatvorena vrata, ista izvaliti iz ležišta i učiniti ih neupotrebljivim za otvaranje i zatvaranje što je i htio.

Dakle, nasiljem prema drugom koje se sastoji u primjeni fizičke snage prema drugoj osobi i drskim ponašanjem, bacanjem, razbijanjem i rušenjem predmeta ugrozio građanski mir oštećenog J. B. i oštetio tuđe stvari u dva ugostiteljska objekta.

Čime bi počinio krivično djelo „Nasilničko ponašanje“ iz člana 362 stav 1 KZ F BiH u sticaju sa produženim krivičnim djelom „Oštećenje tuđe stvari“ iz člana 293 stav 1 u vezi sa članom 55 KZ F BiH.